

Disputatio medica inauguralis, de colica spasmodica / [Philipp Christian Laitenberger].

Contributors

Laitenberger, Philipp Christian.
Camerarius, Rudolf Jakob, 1665-1721.
Universität Tübingen.

Publication/Creation

Tubingae : Typis Jo. Cunradi Reisii viduae, [1720]

Persistent URL

<https://wellcomecollection.org/works/pey97qu5>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

Q. D. B. V.
DISPUTATIO MEDICA
INAUGURALIS,
DE
COLICA
SPASMODICA,
Quam ex Decreto Facultatis Gratijsæ,
PRÆSIDE
D. RUDOLPHO JACOBO
CAMERARIO,
Facultatis Suæ Decano Spe&tatissimo,
Patrono & Præceptore Suo Honoratissimo,
PRO LICENTIA,
Supremos in Medicinâ Honores legitimè consequendi,
Publico Examini submittit
PHILIPPUS CHRISTIANUS
LAITENBERGER,
Kircho - Teccensis,
Ad diem Martii, loc. hor. solit. Anno MDCCXX.
TUBINGÆ,
Typis JO. CUNRADI REISII Viduæ.

DISPENSATIO IN EDOA

IN MCGAVANAE

ГОДИОГА

АДІСОМЕАП

АДІСОМЕАП

БІРЯВА

ОВОДНІОНІАСІЛ

ОІІРЯВІ

ОІІРЯВІ

ОІІРЯВІ

ОІІРЯВІ

ОІІРЯВІ

ОІІРЯВІ

ОІІРЯВІ



Σ. Θ.


 Uid sequar aliena? Quin rerum satago meorum. Quandoquidem disputandum est pro Gradu, & licet quod libet Thema eligere, non igitur excurram ad conquirendum aliquid è longinquo, sed manebo intra terminos domesticos, condolendo & curando afflitus non ita pridem & occupatus, quippe arcto amicitiæ vinculo obligatus *colicam* perpresso *spasmodicam*. Abstinerem rebus mali nominandis, ad dirum utique nomen adhuc corhorescens, (& ut ne nobis sit omni Deum precor, qui nos ab eâ servet liberos & immunes,) nisi scirem, futuro mihi Medico morborum nullius non generis occursum fore expectandum. Optarem autem, vix tamen spero, occulta mali à me posse protrahi in lucem: Obligabor ergò, & obligabitur Publicum, cuius vel maximè interest cognoscere nocentia non minus ac juvantia, si quis hâc ipsâ pagellâ rogatus & excitatus quid causæ subfuerit nobis manifestaverit. Utinam obtineatur finis alias disputationum externus, veritas. Deum ergò

iterum veneror supplex, velit me ducere in viâ Veritatis ad cognoscendum, præservandum & curandum morbos feliciter!

Diu est, scilicet à fine prioris seculi, quod *Præses meus* in Disp. d. Colicâ Paret. & Epil. habitâ anno 1698. cùm didicisset, *Colicam esse à Saturno*, quæsivit: Quàm hoc sit universale? Vel particulare modò? Aut, num in posterum, quando vel ubi cùnque obvenerit Colica, habenda sit ex præsumtione progeniei Saturninæ? Quid ab eo tempore actum fuerit cum ipsâ, vel potius observatum de Colicâ, prosequi & expedire pro dignitate quæstionis, ob angustiam loci, & tam paucitatem observationum quàm difficultatem accuratarum & absolutarum, non possum; Quanquam annales morborum æquè mererentur scribi, ac rerum quarumcunque aliarum. Hoc interim certum videtur, quod observatione constat: Præsens seculum multò minus est ferax Colicæ, quàm fuit præteritum. De frequentiâ ipsius olim testantur Disputationes de Spasmo Intestinorum, car Epilepsia tam frequens, de Colica Spasmodica cum Gutta Serena, quas debemus *Præsidis B. Parenti*. Sermo autem est non de dolore Ventris omni, vel torminibus quibuscunque, sed de Colicâ graphicè ibi descriptâ, singulari, Spasmodicâ ex symptomatibus eorumque rationibus dictâ. Hæc in Praxi Medicâ fere siluit, latuit, scilicet quia patuit, undè venerit, & sublatâ causâ sublatus in futurum videbatur effectus. Negari tamen nequit, forte præter spem & opinionem interdum ex improviso rediisse vel eandem ipsam vel ipsi quàm similimam: Nec id mirum, si malè reversa causa hoc ipso suo se prodidit effectu. Ast ubi & quando ægrorum unum & alterum talis colica more solito exercuit, absque eo, ut famosa illa causa potuerit demonstrari, ibi etiam non potuit non dubium tenere & vexare animum occulta vel ipsa vel ipsi æquivalens alia causa quæcunque. Talis casus, ob hoc Phænomenon non Phænomenon

rarus

rarus, nobis oblatus, non videbatur prætermittendus, quin sub Examen revocaretur, & pro posse inquireretur in ipsum. Prima igitur pars laboris nostri *Theoretica* occupabitur circa quæstionem: Qualis ratione causæ & originis fuerit colica, quâ torqueri amicum observavi ut dictum & condolui: *Utrum Saturnina? Vel Febrilis? Aut qualiscunque alia?*

Historia secundum præcipuas circumstantias huc reddit: Juvenis Studiosus per duos retrò annos febre intermitte- tertianâ hîc epidemiâ non semel sed sæpè vexatus, per ferias autumnales vel tandem liber indè huc reversus ad studia, adhuc pallidus, & diætâ cum commilitonibus communi usus, ad principium decembris nuperi, sentire cœpit & pati usque magis jam non tam febris recidivam, quæ prohdolor apud multos nimis est quâm solennis, sed dolores dictos colicos, gradu & modo tales tantosque, ac leguntur in Majorum nostrorum observationibus, atroces, umbilicum retrahentes, in dorsum excurrentes, cum revomitu assumtorum, & alvi constipatione diu invictâ, durantes quin invalescentes per horas imò in dies, uti quidem tertio quartove atrocitate & compassione victus rem omnem detuli ad meum modò Præsidem, cùm & brachia inciperent dolere atque languere, & oculorum vigor fieri dubius, ad metum Pareseos & Guttæ serenæ, quin Epilepsia. Obtineri tamen potuit per Dei Gratiam remissio dolorum sensim major, plenior & constantior, prodeuntibus primò flatibus, sequentibus fæcibus, ut à die sexto ad octavum liberatus resurrexerit, & undecimo abhinc discesserit, tutiora sibi loca quæsiturus: Ubi quidem per anni prioris finem & hujus principium bene vixit. Vivat porrò & valeat! Ita Deus faxit!

Hic ergo ita Colicus inter tot febricitantes mihi notos, sive quantum mihi constat, unus, solus: Solus etiam inter

multos sanos & ægros eâdem communi diætâ usos, idem vi-
 num bibentes, nec specialium errorum sibi conscius: Ipse qui-
 dem jam liber à torminibus, torquet tamen animum veritatis
 avidum, & cognoscendi cupidum: Quali laborarit Colica?
 Quæ causa recursûs inopinati colicæ olim famosæ, sed pro
 extinctâ & sepultâ habitæ? Deliberavimus sæpè diu, quæsivi-
 mus causas ipsi proprias, sed necdum invenimus, ut ferè vi-
 deatur nobis manendum in generalibus, & alterius generis
 respectu. Suspectus enim saturnus hactenus omnem nostram
 inquisitionem subterfugit. Non ignoramus subdolos esse qui
 malè ipso utuntur, malè quippe sibi consci: Novimus non
 procedere argumentum à dolio ad cantharum, sive noxa &
 culpa quæ in & ab hoc fuit non semper redundavit in plenum
 dolium, sed Tinctura vel accessit vino in se ibi prius innoxio
 demum ab extra, vel conciliari etiam potuit vino acidiori
 per moram fortè in vase stanneo, mixturæ multæ plumbeæ,
 aut modis similibus subtilioribus: Miramur etiam Saturnum
 transcendere Alembicum, si modò Spiritus ex vino adultera-
 to venit, & non demum in via destillationis fuit, tinctus.
 Nec externus usus ita est indifferens, aut nocendo non per-
 tingit ulterius. Olim quidem *Burrhus*, Saturni usum inter-
 num prohibiturus, Planetarum extimum hoc ipso quasi innu-
 ere Metalli sui usum per corporis modò peripheriam scripsit:
 Et obtinet hoc passim. In actis autem Acad. Sci. Gall. an-
 no 1712. *Hombergius* retulit singularem modum applicandi,
 scilicet lithargyri & sulphuris in pulvere 15. 18. granorum cum
 paucis olei guttis inter utriusque manûs volam tamdiu, per
 quadrantem horæ, fricando, donec dispareat: Bis per diem,
 per aliquot dies. Ad quem effectum? Mirum, ad sudorem
 vel urinam. Quo cum eventu? Quosdam læsos, siquidem
 ibi excessivi sudoris exemplum citatur, alios tamen adjutos
 hoc

hoc remedio. Quis modus operandi? Scilicet introducendo Plumbum intra corpus, uti Mercurium ad Ptyalismum. Quanquam præter hanc insinuationem videri posset valere in omnem casum refrigerando & stringendo ad repellendum à peripheriâ ad centrum, vel ab unâ parte ad alteram. Sc. saturnum per se, & lithargyrum vi saturni, etiam absque alterius metalli accessu, sufficere ad effectus ab ipso observatos, interque eos ad Colicam causandam, videtur: Siccando enim partes quas oportebat esse humidas, lubricas, sese manifestat, eo sensu, quem apex linguæ nauseosâ & profundâ impressione facile docet, & Expertus Rupertus non facilè obliviscitur. *Saturni Saccharum adstrictoriâ virtute, stypticitate, cætera vitriola omnia antecellit: Roth. d. Sal. metall.* De talibus ergò solliciti eò tamen nondum potuimus pervenire, ut colicam hujus casûs ausimus declarare, vel probare possimus, saturninam. Utut non potuerit non venire nobis in mentem dulce illud venenum, & prolixâ sub tot schematismis historia dolorum & morborum à vino lithargyrato olim inductorum. Quod ipsum quoque Thema ex professo quondam tractavit Exp. Dn. D. Weissmannus, sub Præsidio Exc. Dn. Prof. & Arch. D. Zelkeri, Patroni mei Venerandi.

Circumspiciendo hinc ad cæteras *Colica* species & causas, non possumus earum plerasque applicare ad casum nostrum. Non fuit *Podagrîca*, s. arthritis anomala interna. Externa nunquam præcessit. Nec adest dispositio hæreditaria. (de B. Patre & Matre per Dei gratiam superstite loquor. Avos tamen Podagricos fuisse audio.)

Porrò, non fuit *Colica Nephritica*. Sabuli aut lapillorum quid unquam in urinâ suâ & cum dolore non meminit. Sub finem longi Paroxysmi & haçtenus tale quid emissum non observavit. Non altero tantùm lumbo nec juxta ductum Uretensis

ris prædoluit. Testiculum quidem sensit retrahi: Sed hoc etiam olim in Colica Spasmodica fuit observatum, & vi Spasmorum per compassionem extensorum fuit declaratum.

Non *Hæmorrhoidalis*, quippe tenesmi expers & alvi cruentæ. Caveat tamen noster pro posse, ne fiat Hypochondriacus. Non *Scorbutica*; nisi fortè lato sensu, & sub eâdem cum priori explicatione.

Non *Bilioſa*, eo sensu, quo aliàs à vino, irâ, æstate, cholera torminosè erumpit: Nec altero, quo lapilli è fellis vesiculâ ni-xu qs. partûs spasmodico cum vehementia dolorum atroci ab hypochondrio dextro ad intimiora Intestinorum delati vel tandem per alvum excernuntur, & Icterum important. Quo tamen sensu possit dici biliosa, patebit statim ex sequentibus.

Denique cùm nec *herniosa*, nec *hysterica*, &c. fuerit, quid supereft? Quæ *Colicæ* species ulterior? Quæ, nisi *febrilis*? Sunt, quæ contra hanc opponi possent: Desiderabatur typus tertianæ, aut quartanæ. Observabatur febricitantium numerus tantus, eos autem inter hic *Colicus* ut diximus & limitaviimus illo tempore solus. Pro tali tamen colicâ faciunt *Phænomena antecedanea*: Febris tum morbus publicus, cuius Tincturam participant vel Charakterem induunt cæterorum morborum plerique; Cujus vexationes frequentes per annum non unum graves & longas sustinuit noster; Semel, quod huc omnino spectat, cùm die expectandi paroxysmi eques domum properaret, itinere plus quàm trium milliarium, expertus febrem quidem tunc emansisse, primâ autem vice dolores colicos sed leviores & breviores post paucos dies successisse. Hinc omni jure suspicio videtur cadere in febrem, cùm secundâ vice colicam pateretur graviorem. Inter *concomitantia*, notabilis maximè fuit urina, primò quidem intense rubra, clara adhuc & tenuis, quippe cruda, progressu autem & in summo ad ipsam dolo-

dolorum declinationem fœdè turbata, ad sedimentum bolare, mirum quale & quantum : Donec sensim fieret iterum naturalior sub usu Medicamentorum & maneret. Confirmant istam quoque indolem *subsequentia*: Argumentum enim pro eâ, quæ sub colicâ fuerit, febre desumitur etiam à juvantibus, à curatione mox subjungendâ.

Jam Philosophari si cui placet super Subjectum, Morbum, Causam & Phænomenorum rationes, habebit me facilem in auscultando, &, si queo, in respondendo: Utrum locus fuerit in viarum primarum cavo, tunicis, glandulis, nervorumve plexibus? Utrum conatus excutiendi offendicula vel obstracula, promovendi contenta intestinorum, ramorum venæ portæ, ductuum choledochorum, tantam spasmorum vim importarit? An bilis, acidum volatile sulphureum, cacochymia nidorosa, tantorum causa dolorum fuerit? *Bilem* quidem *febris esse causam*, sunt qui negant, sunt qui affirmant. Quicquid sit, febris tamen bilem movet, auget.

Fernelius olim: Sæpe observavimus, tertianam diuturnam atque quartanam in atrocem cruciatum colico immaniorem desinere, qui nonnunquam & in artuum dolores & in Paralysin faceſſit. Hic dolor sine febre est: Fere tamen consueto accessionis tempore exacuitur & excandescit pristinumque circuitum retinet. Vix nisi bilis vacuatione mitescit: Quam constat ut doloris ita & febris causam fuisse: Depellitur enim è præcordiis & visceribus in peritonæi intestinorumve membranas: Eo Argumento: Quia & febris & sitis & inappetentia mitescunt, sub orto dolore. Itaque ut doloris circa peritonæum & Intestina, ita & intermittentis febris sedes est circa Viscera & præcordia.

R. Mortono febris intermittens protei formis typum uti fluxuum, dolorum & spasmorum aliorum, sic etiam Colicæ, induit, ubi Venenum morbificum non valde deleterium est,

& Spiritus animales veneno irritati hoste sunt superiores. Centes observavi, Colicam ventriculi & intestinorum, pleuritidem acutissimam & verè spasmodicam, &c. ab expansione explosiva Spirituum hoc veneno nimis irritatorum orta fuisse. At ista symptomata statis periodis redibant: Urina reddebat, qualis in febribus intermittentibus apparere solet. Dicitur ergò colica ista febribilis, donec probetur contrarium, vel innotescat prædicatum aliud.

Pergendum erit ad alteram laboris nostri partem, sive colicæ illius curatio sub examen quoque revocanda. Hic autem procedemus primò per remotionem omissorum, sive eorum, quæ in hoc casu facta vel data non fuerunt. Liceat rationes horum tentare & proponere per responsiones ad quæstiones discretas: Cur non datum Vomitorium? Resp. Primum triduum jam præterierat. Item revomitus assumtorum plerorumque omnium. Si quid evomendum ultra ex primis viis, haustibus oleosis pinguibus promoveri poterit. Vi fortiori è latibulis aliquid pertinaciùs vel profundùs hærens tentare excutere, nescio quām tutum fuisset, in sèpè tussiculoso, dubiè firmi pectoris, quippe cui frater natu major olim obiit Phthysicus ex Hæmoptoe.

Cur non datum purgans? Resp. Malè audiit olim per patriam. Fortioribus irritationem intendere non ausim. Leviora revomebantur, non operabantur. Laxans sub declinationem exhibere alvo per se satis apertâ non erat necesse.

Cur non secta vena? Resp. Non qs. non suppeterent exempla missionis sanguinis in Colicâ Pareticâ sub macie cum turgidis tamen & ad locum olim apertoris prurientibus venis mirum quām tolerabilis, proficuae; Sed ob ægrum ante colicam potius pallidum quām plethoricum.

Cur non missus in balneum? Sive, cur in hypocausto non mersus balneo aquæ dulcis? Resp. Dixerunt majores, ita tolli vel

vel sedari ventris dolores : Sed induci resolutionem artuum. Præstat hoc illis credere, quām experiri. Hâc enim possunt eleganter carere ægri; Si vel maximè in Thermis ferinis postea restituantur communiter facilè.

Cur omissus succus *hippenteri* expressus? Resp. Non possunt omnia in omnibus morbis aut casibus præscribi. Numerus ad colicam laudatorum magnus est; Qui unum eligit & alterum, non præjudicat cæteris.

Cur *acidulae* non concessæ? Resp. Nec fuerunt desiderata. Et decoctum pectorale calidum bibeatur sine fastidio. Ergò non tam ex ratione decembris, nota enim sunt exempla per medium hyemem acidulas cautè bibentium & laudantium; Sed, quòd & tussis an benè ferret erat dubium.

Cur non haustum & injectum *Lac*? Resp. Quia potior videbatur febris, cui negavit Hippocrates. Urina bolaris absterruit. Saturnus non adfuit, vel sui signa clara non præbuit.

Cur *vino* interdictum? Resp. Quia tutius in omnem casum abstinere ab eo, quod nervos tentat, febrem intendit, & ab olim malè audit: Si vel maximè non foret Saturni vehiculum. Hinc nec oleo & syrupo dicendis fuit additum Malvaticum; Quod aliàs cruda decolor fortè admitteret urina: Nec pro analepsi post colicam nimis citò subjunctum, quoniam ad tempus satis benè viribus potuit prospici absque eo ex culinâ. Juscula, tremor avenæ, hordei, gelatinæ, cibi molles, faciles, lenes, & ad humectandum, laxandum, & ad nutritendum, respectu ram causæ simul ita oppugnandæ quām sustentandi vires & alendi corpus afflictum, consumtum, conveniebant, sufficiebant, à primâ in alteram septimanam.

Cur *Naturæ* non commissum negotium? Resp. Cogebant ægri lamenta: Angores adstantium. Prægressa. Metuenda.

Qui tot hactenus prætenſa colicæ remedia removimus, declinare modò non possumus quæſtionem alteram: Quæ & qualia ergò data fuerint vel opposita in caſu noſtro? Resp. Non ſine præmiſſâ veniæ rogaſione: *Colica illa, inter & præter alia, fuit curata cortice & opio.* Hæc alia fuerunt tam *externa*, pro illinitio & inunctione, *spir. matricalis*, *oleum chamomillæ verbasæ lumbricorum*, *ung. carminativum*, *Sacculi chamomillæ imponendi*, &c. quâm *interna*, *enemata quotidiana*, non purgantia, non acriter alvum laceſſentia, ſed emollientia, laxantia. Per os ordinatè ad horas medicas, ſuccesſivè, alternatim, *oleum amygd. d. & syr. dialthææ*. *Pulvis anticolonius B. P.* *Nitrum* in omni jufculo. Cochleatim de *julepo ex aquis & syrupis convenientibus*, modò cum *mixturâ simplici*, illâ *veterum vulgari*, modò cum *alkermes*, & *absorbentibus*, *nervinis fixis*.

Quæres: Quando igitur dari potuit *Cortex & Opium?* Resp. *Ille* ſummo mane, iterumque à meridie, prior cæteris omnibus, morâ quâdam interpoſitâ fecuturis, doſi drachmæ unius, in formulâ haſtûs: Hoc, non niſi ad noctes, tempus quietis ſolitum, in pilulis *de ſtyraxe* ad aliquot grana, ad pauciora in *pulvere anodyno*.

Dices: Temerè tentatur cortex, novo auſu ultra & extra ſuas febres. Resp. Nec ratio defuit, nec experientia. Et even- tus utramque confirmavit. Quicquid pro febrili colicæ hujus ratione fuit dictum, facit pro uſu corticum. Et, ſi juxta *Hippocratem* inexpertus eſt timidior, confidentior fuerit ille, cui no- tum à non uno luſtro, colicos cum talibus ſignis benè tuliffe cortices, quin ex ſenu & ſuccelu laudaffe. Ergo non præcipitanter primus fuit ita tractatus, aut ab uno ad plures, aliter forteſe habituros, ducetur argumentum. Nihil etiam præſcribitur aliis: Non experti tamen abſtinebunt à judican- do;

do; Ut experiantur non coguntur, ad reprobandum modò non sufficiunt. Interim operæ pretium erit ex Pyretol. Mortoni supplere paragraphos practicè, quos supra citavimus ex capite 5. 6. Quæ *contra corticem* dici possent, non producam: Satis est eorum, si non nimis, ubique. Duo tamen non subticebo: *Objicient* fortè aliqui: Febris cortice suppressa vel corrupta ipsam potius feret colicam. Hanc visam sive prætentam cortice curatam non fore sine recidivâ. Resp. Prægressam febris tractationem non nostram nec nostram modò facimus, sed suo loco relinquimus. Dein posito illo, non concessò, corrupti febres possunt & solent præter corticem multis modis. Interim cùm fuerint tot numero, ex mari febrili qui enatârunt, non sine cortice, colicâ tamen non correpti, probandum erit adhuc, quod objicitur. Porrò, colica olim ante natum qs. sive notum corticem fuit obnoxia recursu, cùm vexati peccare vel pergerent vel repeterent; Methodo quâm optimâ & innocentissimâ tractati: In quam culpa absque injuriâ non referretur. Tandem, Deo gratias, quod vel metuebatur vel minabatur, non factum est; ne fiat, faxit Deus!

Contra opium quoque videntur facere alvus clausa, sudor, metus pareseos, & quicquid undique magno numero movetur adversus hoc sopiens, causam non tollens, naturæ motus sufflaminans, & nescio quâm non malè audiens. Pro ipso dici poterit: Sublatâ causâ tolli effectum; Remittente spasmo, dimitti contenta; Turbas naturæ esse majores justo, importunas, minaces mali dirioris, ut ipsius non arbitrio prudenti sed confusione relinquere negotium vix possit: Quies aliqua ipsi potius procuranda, per quam possit s. respirare s. resipiscere; monente Poëtâ, *Motos præstat componere fluctus.* Denique, vindicias pro opio cautè dato, non solo, sed præmissis & conjunctis quæ laudavimus, non in excessu, neque in quanto neque in

quoties, sed tempestivè, dosi moderatâ, &c. parate, non erit difficile: non æquè, si philosophandum foret iterum, dare rationem, *grani, mole parvi, virtute magni*. Ipse Dolor,, qui sati, imò nimis, sentitur proh dolor, an cognoscitur?

Sed satis datum est Colico: reliquum chartæ destinavi casui tristiori, bonâ fide relato, etiam non alieno, cuius conservare volui memoriam. Sit ergò

A P P E N D I X :

Inter fatalia quondam ab exustione *Kirchemii*, meliori, sic Deus velit, iterum fato exstructi, dulcis meæ Patriæ, cui benè precari Pietas jubet, fuit *Infans*, masculus, per horas tanti infortunii utero adhuc materno inclusus, & tum quidem primum sui motu suo indicium præbens, post 20. septimanas, completo termino, sc. d. 19. Januar. styl. vet. ann. 1691. inter horam II. & 12. noct. feliciter in lucem editus, ad aspectum sanus, plenus: Sed die demum à partu 9. vel 10. primum Epilepsiam correptus, sub notabili circumstantiâ Temporis & Causæ Occasionalis. Mater grava, territa sanè & consternata ut facile creditur gravissimè, sana tamen tulerat hunc suum fœtum, & à Medico præcautionis ergò præscripta mdnta, maximè ad NL. & PL. usurparat: Lactarat etiam ita ut ipse videretur benè proficere: Quod ergò tristem movit admirationem, huc redit.

Paroxysmis corripiebatur tantum ad *Sonum Campanæ*, quâ primum incendi signum publicè quondam fuerat datum: idque præcisè semper; nunquam silente ipsâ. Hæc quoties sonabat vel tracta ad convocandum populum, vel pulsata ad signandas horas, toties tam de die quam nocte, s. vigilanti & fortè lactato, s. dormienti, infanti concitavit Epilepsiam, duratu-

raturam non ultra tempus Soni, vel breve vel longius. Hoc finito solebat facile iterum obdormiscere, vel ad sūgendū mox iterum se accingere.

Vixit ille ita misellus per *septimanās modō septem*, & dies duos, mortuus ad æquinoctium, 11. martii, inter horam 7. & 8. noct. *cui beatam pie precamur anastasin!* præter epilepsiam, alterius generis morbo laborasse negatur; dicitur autem paucis ante obitum diebus ab eā liber, comparentibus ut videbatur paucis modō variolis, brevi extenuatus, & acutissimè, ex somno excitatus, ad brevem stertorem, obiisse.

Tristis aliás notitiæ est *epilepsia infantilis*: Nimis quām multum debens, præter *dīætæ errores, animi motibus* matris gerentis & lactantis. Non æquè ergò miror, à tali tantoque terrore hujus illum convulsum; quamquam duarum harum personarum harmonia sit admirabilis, non tamen sunt una: Sed nuper editum, in secundâ ita puerperii septimanâ, audire sonum & observare, ac percelli adeò ad excessum & depravationem illam motuum, sub exquisito isto cœstantiarum tenore, hoc miror. *Cur* olim auditus & per viginti septimanas toties repetitus, nunquam sine tristi recordatione, sonus, *non* tulit epilepsiam continuam, *frequentiorem, vagam?* Uti toties infantes alii convelluntur, remotâ non reversâ primâ causâ. *Cur* solùm ad externi recursum monitorii? Non extra tempus soni? Mater, observans hanc sui infantis soni observantiam, videtur ipsa ad sonum auditæ campanæ toties denuò perterrita fortè inter lactandum, foviisse malum. *Utrum*, in utero jam convulsus puer? atqui de hoc nihil extat in communicatis. *Utrum*, audire demum & percipere, ac reflectere super id quod audire incipiebat, cœpit die nono? Duo hîc sunt: *Generale* alterum, molle, laxum, humidum adhuc nervosum systema cur & quomodo tam facilè tam fortiter possit & soleat tendi, concuti & convelli? Alterum *speciale* hujus casûs; non ab impetu magno & forti percussionis sonoræ, quod de tympanorum aliquot vibratione vehementi nobis relatum meminimus, & in *E. N. C.* dec. 2. & 3. legimus, de epilepsia etiam *adulitorum à pulsatione campanarum*: Sed à minoris campanæ unius sono minimè tanto, sed tali modò ob memoriam signi, vel signati potius, facta fuit tenelli percussio. Nota: *campanis cœteris incendio consumtis, fusis,*
super-

superfuit non nisi una, non ex majoribus; hæc uti sola fuit, sic & sola per hunc casum intelligitur.

Hic jam facile iterum erit verba dare, *ideas jungere Soni, Terroris, Spasmi*: Sed quid præter phantasma corporis, s. cerebri fibrillarum tremores, aut hospitum spirituum undas & fluctus, sint Ipsius Animæ modi, actus, objecta, effectus, relinquimus Illis, qui quid sit Anima sciunt; nos lectis eorum scriptis, proh dolor an proh pudor, nescimus: Ad preces modò sub finem recurrimus, *Orantes, ut sit mens sana in corpore sano!*

APPENDIX II.

Benè est, quod parum spatii supereft. Sic potero adhuc jucundius quid proponere de meâ patriâ. *Kirchemio Wendlingam Lautera* fluvius ab alpibus veniens defluit in *Nicrum*. Ex hoc in illam quotannis statu tempore intrat gregatim *Piscis*, cui à *Naso* nomen, in tantâ copiâ, ut signo publicè per campanam dato notificetur adventus, & convocentur *Cives* ad capiendum vel manibus. Non durat tamen ipsius præsentia diu, post paucas horas, per reliquum anni, vix comparent amplius. Dum fœtificant, *laichen*, modò veniunt, ascendentes in rivum non altè.

Fas est mirari Naturæ constantiam, ductum, instinctum, per Quæstiones: An & cur *hec una* piscium species? *Huc*, non æquè in *rhems, fils, erms, ecbaz?* &c. non aberret, in viâ non impediatur, intercipiatur? an fugata, pulsa, vel allecta aquæ puritate, loci commoditate? feratur, cum tali & tantâ observantiâ temporis verni, ut dies festus Annunciationis Mariæ vulgo dicatur *der nasen feirtag*, an styli vet. vel novi? sub quantâ latitudine, sub quibus exceptionibus, non tam serò, quam semel atque iterum, veniendo? quo signo vel omine ad vindemiam? Qui motus, quò decursus, parvulorum, recens genitorum *Naslorum*, olim in patriam reddituorum, ad opus naalissimum: talis amor generis, fluvii observantia tanta! Et medice tandem ad cibum, quam sapidum, salubrem?

Talibus si quis recreare gestiat animum, *Artis, Gesneri, &c.* observationes jungat cum nostris, ita compleat hanc historiam notabilem. Non obliviscatur simul venerabundi cultûs, quem Naturæ vox clamat, & Autori suo vindicat. Cettè jungendi videntur Pisces illi Volucribus apud *Prophetam*, temporis observantibus, & homines incurios de conversione ad Deum admonentibus. Ergò

SOLI DEO GLORIA.